

«ՀԵԹԱՆՈՍԱԿԱՆ» ԳՐԱԿԱՆ ՀՈՍԱՆՔԸ ԱՐԵՎՄՏԱՀԱՅ ԳՐԱԿԱՆՈՒԹՅԱՆ ՄԵՋ

Բանասիր. գիտ. դոկտոր Ե. Մ. ՊԵՏՐՈՍՅԱՆ

Արևմտահայ գրականության ուսումնասիրությունը վերջին տասնամյակում նկատելի առաջընթաց ապրեց: Տպագրվեցին արժեքավոր մենագրություններ ու հոդվածներ արևմտահայ դրողների և գրականության հետաքրքրություն հարուցող հարցերի մասին, բացահայտվեցին և լուծվեցին մի շարք կարևոր խնդիրներ: Չնայած դրան, այնուամենայնիվ, քիչ չեն վիճելի, սակավ լուսաբանված հարցերը: Դրանցից մեկն էլ, այսպես կոչված, «հեթանոսական» հոսանքի հարցն է, որի շուրջը բանավեճերը շարունակվում են մինչև օրս:

1

Ե՛վ անցյալում, և՛ մեր օրերում արևմտահայ կյանքի ու գրականության մասին գրված որոշ ուսումնասիրություններում երբեմն նկատելի է հարցի ոչ կոնկրետ-պատմական քննություն, որի հետևանքով արևելահայ կյանքի և գրականության համար բնորոշ երևույթները մեխանիկորեն փոխադրվում են արևմտահայ իրականություն, անտեսելով երկու հատվածների սոցիալ-քաղաքական կյանքով, գրականության դարդացման օբյեկտիվ ընթացքով պայմանավորված էական տարբերությունները:

Եթե խոսքը հոսանքի մասին է, ապա է թե մենք գործ ունենք ոչ թե մասնավոր փաստի, պատահական երևույթի, այլ խորապես հասարակական բովանդակությամբ հագեցված գրական շարժման հետ: Նման պարագայում հարկավոր է բացահայտել հասարակական այն պայմանները, որոնք նպաստեցին հիշյալ հոսանքի ծավալմանը:

Ինչպիսի՞ իրադարձություններում ձևավորվեց «հեթանոսական» հոսանքը, ի՞նչ հանգամանքներ նպաստեցին վերջինիս տարածմանը, ո՞րն է «հեթանոսական» հոսանքի գաղափարական աղբյուրը, ի՞նչ քաղաքական իդեալ էր պաշտպանում շարժումը: Առանց աչքաթող արված վերոհիշյալ հարցերին պատասխանելու, անկարելի է տալ «հեթանոսական» հոսանքի գիտական ճիշտ մեկնաբանությունը:

Հայ ժողովրդի պատմության հեթանոսական ժամանակների պատկերումը, Ուժի, Գեղեցիկի պաշտամունքի շեփորումը 1910-ական թթ. արևմտահայ գրականության, մասնավորաբար պոեզիայի առաջատար մուշիվներն էին: Ժողովրդի պատմության հեռավոր շրջանը արտացոլված է Դ. Վարուժանի «Հեթանոս երգեր», Վ. Թեքեյանի «Հրաշալի հարություն» բանաստեղծությունների ժողովածուներում, Լ. Շանթի «Հին աստվածներ» դրամայում, Ռ. Զարդարյանի «Բազինին փառաբանությունը» արձակ երկում, Սիամանթոյի, Ահարոնի, Հ.

Տեր-Սահակյանի, Տ. Գասպարյանի, Հ. Սուրենյանի, Լ. Էսաճանյանի բանաստեղծություններում: Նշված հեղինակների անունների թվարկումն իսկ հաստատում է, որ իրոք, մենք զորժ ունենք ոչ թե պատահական երևույթի, մասնավոր փաստի, այլ արևմտահայ իրականությունից բխող հասարակական տրամադրությունները գեղարվեստորեն արտացոլող նշանավոր գրողների մի ամբողջ խմբի՝ հոսանքի հետ:

«Հեթանոսական» հոսանքը արևմտահայ իրականության ծնունդ է, արևմտահայ գրականությանը միայն բնորոշ երևույթ: Այլևհետև. «հեթանոսական» հոսանքը արևմտահայ ազատագրական շարժման արդյունքն է, ազատագրական, հայրենասիրական դադարախառնների գեղարվեստական յուրահատուկ արտացոլում: Վարուժանի, Թևեկյանի, Սիամանթոյի, Շանթի և Զարդարյանի երկերում արտահայտված հեթանոսական մոտիվները խորունկ արդիականություններ են հագեցված: «Հեթանոսական» հոսանքի այդ ամենաբնորոշ կողմն է, որ ժամանակին, ցավոք, անտեսվեց արևելահայ քննադատության կողմից:

1908 թ. հուլիսյան հեղաշրջմանը հաջորդած տարիները Թուրքիայում նշանավորվեցին որպես երկրի տնտեսական կյանքի, հայ ժողովրդի մշակույթի վարգավճան, մասավոր սթափման տարիներ: «Եթե անկողմնակալ ոգով քննենք այն, ինչ իրականացավ 5—6 տարիներու ընթացքին թրքահայ կյանքին մեջ,— գրում է Զ. Նսայանը,— առանց վարտնելու կարելի է հրաշք նկատել»¹:

Այդ «հրաշքի» ցայտուն արտահայտությունը պետք է համարել արևմտահայ գրականության բոլոր ճյուղերի, հատկապես բանաստեղծական արվեստի բուն զարգացումը: Սիամանթոյի և Վարուժանի ոգեշունչ բանաստեղծությունները վկայում են, թե այդ շրջանում ինչ բարձունքներ էր նվաճել արևմտահայ բանաստեղծական արվեստը:

Այդ «հրաշքի» արտահայտությունն պետք է համարել ժողովրդական լայն զանգվածների մտավոր սթափումը, որին առանձնապես նպաստեցին մամուլի, մշակութային կյանքի մինչ այդ աննախադեպ աշխուժությունն ու եռուղեք (Աբելյան-Արմենյան, Սևումյան թատերախմբերի հյուրախաղերը, գրական ասուլիսները, Կոմիտասի երգչախմբի ելույթները), մանավանդ՝ հայոց զրեթի գյուտի 1500 և հայկական տպագրության 500-ամյա հոբելյանները, որոնք տոնվեցին արտակարգ շուքով և համապատասխան մասշտաբով, ամենուրեք ստեղծելով հայրենասիրական խանդավառության մթնոլորտ:

«Հետո եկան տեսիլներու օրերը,— գրում է ժամանակակիցներից Հ. Սիրունին,— 1913-ին ղուզադիսյող երկու մեծ տոները՝ հայ տառերու գյուտին և հայ տպագրության դույզ հոբելյանները, հայ գրողներու սրտին մեջ նոր կրակ մը դրին: Անոնց պատմեցին դարերու բերած հեթաթը ու տոչորեցին զանոնք հին օրերու կարոտով: Ամենուն սրտին մեջ նոր կայծ մը ինկավ: Դարերը կբերեին այդ կայծը»²:

Հայ ժողովրդի ազատագրություն տաճկական յաթաղանից, քաղաքական ինքնորոշվելու կյանք. այս էր դարերի այդ անբար կայծի էությունը: 1910-ական թթ. սկզբներին կրկին հրապարակ իջավ հայկական հարցը՝ «հեթանոսական» հոսանքի ծավալման ամենակարևոր գործոնը: «Երկունքի տարի մը եղավ այսպես 1913-ը,— գրում է Սիրունին:— ...Հայկական դատն էր, որ այդ տար-

¹ Զ. Նսայան, «Թրքահայ ժամանակակից գրողներ», Թիֆլիս, 1916, էջ 36:

² Հ. Սիրունի, «Դանիել Վարուժան», Պոքրեշ, 1940, էջ 14:

վան մեջ մարմին կառնելը վերստին, բաղմիցս լքվելն ու թափվելն, քանիցս անգոսնվելն ու ուրացվելն հետո»³։

Չնայած այս ամենին, այնուամենայնիվ, Թուրքիայում հենց այդ տարիներին ամենալուրջ վտանգի տակ էր արևմտահայ ժողովրդի ֆիզիկական գոյությունը։ Հայտնի է, որ հենց այս տարիներին կառավարող Երիտթուրքերի կուսակցության վերնախավը կալմեց հալաչին՝ քաղաքականության իրականացման հրեշավոր ծրագրերը։

Մամուլը սրտի թրթիռով էր արձագանքում միջազգային այն իրադարձություններին, որոնք այս կամ այն չափով կապված էին հայ ժողովրդի ազատագրության հետ, անկեղծորեն հավատալով հվրոպական դիպլոմատիայի կեղծ խոստումներին, շտեմներով բուրժուական մեծ պետությունների կողմից հայկական հարցի շուրջը կատարվող շահագրտական ստոր գործարքները։ Ամենքը անկեղծորեն հավատացած էին, որ վերջապես հասել են հայկական դատի լուծման երանելի ժամանակները, նոր կյանքի արեածագը։ «Ու 1914-ը հայ ժողովրդին համար հույսի տարի մը եղավ,— գրում է Հ. Սիրունին— Հավատացին բոլորը, թե խաղաղությունը իր բարիքները պիտի տանի փռն հայկական նահանգներու մեջ։ Անուշ հեռանկար մը կոգեորեր ամենքս։ Ու հայ գրողը իր հոգին լեցուց հայրենի հողին քաղցրությունովը ու պապականը նոր արշալույսի մը, որ պիտի ծլեր այդ հողեն»⁴։ Համազգային այս իդեալի գեղարվեստական խտացած արտահայտություն պետք է համարել 1914 թ. նախաշեմին հրատարակված Դ. Վարուժանի և Հ. Սիրունու խմբագրած «Նավասարդ» հանդեսը, մանավանդ Վարուժանի «Նավասարդյան» հայտնի կոչ-բանաստեղծությունը.

Հաննարդ հայկյան, Նավասարդյան, սա տոներուն

Առևալիս՝

Ալ վերածնն վիատակներեն, և փառագոչ

Քնարդ առ

Հանո՛ւն Ուժին, հանո՛ւն Գեղին, մտիւր մեհեան

Ասավածներուն.

Ջահը ձեռքիդ բագնե բագին համասլիս

Հուր և արյուն։

...Ձի մեմ հանուն Սերին, Սերմին, քու հին Ցեղիդ

Մարմարեն կուլս,

Մե՛նք, զավակներդ Օգստափառ, պիտի կերտենք

Նո՛ւր Արշալույս։

Կերտել ժողովրդի կյանքի նոր Արշալույսը. ահա «հեթանոսական» հոսանքի բաղափական դավանանքը, որ այնպես առնական թափով և բուռն պաթոսով արտահայտել է «հեթանոսական» հոսանքի ամենատաղանդավոր ներկայացուցիչը, առանց որի չի կարելի պատկերացնել հեթանոսական շարժումը։

Նոր Արշալույսի նվաճումը պահանջում էր ուժերի արտակարգ լարում, արիություն, հերոսական ջանքեր, սխրագործություններ, արտաքին «վիշապներուն» տապալելու ուժ, կորով ու կամք։

³ Նույն տեղում։

⁴ Նույն տեղում, էջ 14։

Ահա թե ինչու Վարուժանի և «Հեթանոսականների» մոտ առանձնակի երբով փառաբանվում են Ուժի, Լմբոստացման մոտիվները։ Այդ ազատագրական կովի, հայրենասիրական սխրանքների ոգեշնչման կոչ էր։

Ակնհայտ փառաբան, ազատագրական բովանդակություն ունեւ հերանոսական հոսանքի և հաղեցված էր պայծառ գալիքի անմար հավատով, մարտաշունչ ոռմանտիկայով ու արդիական հնչեղությամբ։ Ուժի և Գեղեցիկի, Լմբոստության կոչերը, հերոսականության փառաբանությունը աւբողջովին բւխում էր ազատագրական շարժման հարուցած կենսական խնդիրներից։

Այդ էր պահանջում բոնասկտական կարգերից ազատագրվելու համազգային սրբազան գործը։ Այս բարձր գաղափարով են հաղեցված Վարուժանի 1907—1910-ական թթ. մի շարք գործեր (Վահագն», «Հայրենի լեռներ»), առանձնապես վերջերս հրապարակված «Լմբոստանի շեփոք» հոյակապ բանաստեղծությունը։ Ամբողջ ստեղծագործությունը հաղեցված է Լմբոստության կոչով, Ազատության փառաբանմամբ, Ուժի և Քաջության գրվատմամբ։

Ընդոստ ոսկի՝

...եղեւ ումեղ, շանրածին,
Մկանանով հրգուր, սրերով վրիժառու,
Իրեւ ծոնսւծ կյանքն հազար արևու.
Ձեր երակներեն սփրատի պես քող հոսին,
Եվ Ձեր ոռնգերը վառողի բարկ ծուխին
Թող բացվիւ լայն.— օ՛ն, ուղեցեւ ուզմն արի
Ազատության, պրեւ նրժար նրժուրի
Երկիրը ձեր, ձեր արչան հետ միասին,
Ուղեցեւ քինջ օղն բնդարձակ երկրնին,
Շանքի լույսով վերելքն հնչուն ժայռերու
Մերիկներուն մեջ բախումներն ահաւկու,
Հեղեղներուն սիրեցեւ երգը հրսկա,
Արծվի քեւերը մե՛ր վրաւ, ձե՛ր վրա...

Բանաստեղծության հետագա հատվածներում հեղինակը Լմբոստանի կոչ է անում ժողովրդին խորտակելու բռնության ամբոցները։ Նա փառաբանում է ազատությունը մարմնավորող ազատ ու հիասքանչ մայր բնությունը։

...Գեպի բնությունն, ազատությունն, դեպի շող,
Իեպի հունձեւե՛ր, դեպի հովե՛րն Ստեղծող:
Լայն և ազատ:— Շարժե՛, խռպա՛, ժողովուրդ,
Գաղափարի առյուծ, ցաւակի ժայռ ու խոր
Հաղը փայլերուղ ա՛ռ հուրիզոնն առաջնորդ...

Ազատության, ազատ կյանքի փառաբանության մի հիանալի օրինակ է «Հեթանոս Երգեր» շարքի «Բեղաս» խորիմաստ քերթվածը։ Պեղասը բանաստեղծի արծվաթիւ մտքի, վսեմ իդեալի սիմվոլն է։ «Ազատությունը մարդուն, և գերությունն աստծո...»։ ահա այդ ստեղծագործության խորքը։ Վարուժանի, Սիամանթոյի, Թեքեյանի, Շանթի «Հեթանոսական» երկերում որպես Ուժի,

Գեղեցիկի հերոսական իդեալների խորհրդանիշ պատկերված են Վահագնը, Անահիտը, Աստղիկը, Վանատուրը, Տիգրանը, Տրդատը, Արտաշեսը, Արտավազդը և հեթանոսական ժամանակների հայկական սլանդելների անունները՝ իրենց իդեալական վեհ գծերով, սիրալի դյուցազնամարտերով⁵։ Նոր իմաստ, արդիական շունչ, ազատագրական կռիվ պաթոս, ահա թե ինչ գծերով են օժտված վաղնջական ժամանակների դիցաբանական և պատմական նորակերտ կերպարները։ Սխալվում էր քննադատ Սուրխաթյանը, երբ 1914 թ. «Նավասարդին» նվիրված գրախոսականում դրում էր. «Ուժի և Գեղեցկության գաղափարը նրանք (իմա՝ «հեթանոսականները» — Ե. Պ.) կապում են անհասարակաշտության գաղափարի հետ և հաղորդելով նրանց ազգային գույն ու երանգ, տենչալով «Արտաշեսյան նախնիներու» զորությունն ու «հայկյան հանձարը», հանդիսանում ե՛ն ժամանակակից տիրող դասակարգի երգիչները»⁶։

Վարուժանի և Թեքեյանի «հեթանոսական» երգերում կա Ուժի, Գեղեցիկի և հզոր անհատի պաշտամունք, սակայն այլ է այդ անհատապաշտության ակունքն ու էությունը, որ չի նկատել քննադատը։ Վարուժանի և մյուս «հեթանոսականների» ստեղծագործություններում կերտած հզոր անհատներն իրենց հերոսական սիրաքննելով ծառայում են ոչ քե տիրող դասակարգին, այլ մոլորվրդի ազատագրությանը։ Դրանք ազատագրական կռիվ հաղթանակի համար մարտնչող բոմանտիկական հերոսներ են, համազգային իդեալի իրականացման արարիչներ, որոնց մասին մեծ բանաստեղծն ասել է. «Մարգարե՛ն ապագան կտեսնե, հերոսը կպատրաստե զայն. Հերոսները անիվներ են, որոնց վրա շրջան կառնե հառաջագիմությունը... Առանց զոհի հերոս չկա»⁷։

«Հեթանոսական» հոսանքը ներթափանցված է ոչ միայն ազատագրական պայքարի պաթոսով, այլև բուրժուական իրականության սուր քննադատությամբ։ Այս առանձնակի խորք ու արդիական հնչեղություն է հաղորդում Վարուժանի «Հեթանոս երգեր» գրքին, միաժամանակ բացահայտելով «հեթանոսական» հոսանքի գաղափարական հարստությունը։ Ժամանակակից բուրժուական հասարակության աղաղակող հակասությունները, դրամի պաշտամունքը, սիրո վաճառքը, մարդու նվաստացումը, բարքերի անկումը Վարուժանին մղել են երանելի հեթանոսական ժամանակները, այնտեղ տեսնելով Ուժի, Գեղեցիկի դաշնություն, բարքերի մաքրություն, մարդկային կատարյալ հաղթանակ։ «Հարձը» պոեմի ծավալուն քնարական շեղման մեջ գեղարվեստական հիանալի բացահայտում են ստացել բանաստեղծի՝ դեպի հեթանոսական հեռավոր շրջանը կատարած շրջադարձի հասարակական շարժառիթները։

...Առափնի փաշության տեղ նենգն ալսօր կտիրե,
Փոխան տեգին հոլանի՝ պատյանի մեջ դաշույնն է,
Ուր կը շողա մութին մեջ, կժանգոտի արևին.
Ոնիրենե՛ն այդ խավարի լուսւթյան մեջ կղարբնվին
Մըխոտ նրագի լույսին տակ ծռած գունատ մարդերին։

⁵ 1912 թ. հրատարակած «Նոր քնար» բանաստեղծությունների զրբում Արտ. Հարությունյանը «Կարմիր երկունքում» նկարագրում է Վահագնի ծնունդը՝ այն բնորոշելով «Մագունն 1 ալյուստ օրվան»։

⁶ Հ. Սուրխաթյան, Նավասարդ, «Մշակ», 1914, № 79 (ընդգծումը մերն է — Ե. Պ.)։
⁷ Կ. Վարուժան, Երկեր, Երևան, 1946, էջ 365։

...Բավական է լի զավար մը Մյունխիի ցաւեջուր
Ու անուրդի հանված Սերը գնեն մարդիկ Բեռլինը:

Այսպէս է բանաստեղծին ներկայանում ժամանակակից բուրժուական գորշ իրականութիւնը: Սոցիալական աղաղակող հակասութիւնները, համատարած մարդկային տառապանքը, գեղեցիկի անկումը հարկադրել են Վարուժանին երես թեքել ներկայից դեպի հեթանոսական ժամանակները, փառաբանել այն որպէս Ուժի, Գեղեցիկի և Սիրոյ դաշնութեան շրջան:

...Փա՛նք մեծագոր կենցաղին ասպետական դարերուն,
Ուր Եւաշտվեցաւ Գեղեցիկն ու Զորութիւնը արբուն,
...Փա՛նք ձեզի միշտ ով դարեր, ասպետական կենցաղին,
Ուր մարդիկ հզոր և անկեղծ էին նրման գիւնին:

Բանաստեղծը «աստվածատիպ մարդու» իր իդեալը որոնում և գտնում է հեթանոսական ժամանակներում: «Հարձը» պոեմում Վարուժանը էպիկական շնչով, գեղարվեստական վառ պատկերներով փառաբանում է Սերը, Ուժը, Գեղեցիկ, «աստվածատիպ մարդուն», որ մարմնավորում են Տրդատն ու Նազեհիկը: Տրդատը հանուն ազատ սիրոյ հաղթանակի ծառանում է Բակուրի դեմ: Տիրական և բիրտ ուժին կարող է ընդդիմանալ միայն հզոր անհատականութիւնը, որպիսին է Տրդատը: Այս է բանաստեղծի հերոսապաշտութեան հասարակական ելակետը: Տրդատը և նմանները Վարուժանի պատկերացմամբ առաջադիմութեան հերոսներ են:

Հեթանոսական շրջանը Վարուժանի «Հեթանոս երգեր» բանաստեղծութիւնների շարքում պատկերված է ոչ միայն որպէս Ուժի, այլև ժողովրդի լաւագույն գծերի՝ աղնվութեան, բարոյական մաքրութեան, մարդու հոգեկան աշխարհի անաղարտ դրսևորման շրջան: Այստեղ ևս ընդգծված կերպով երևում է բանաստեղծի հասարակական իդեալը:

«Վանատուր» քերթվածում էպիկական թանձր գույներով պատկերելով պտղաբերութեան աստվածուհու՝ Վանատուրի կենսախինդ կերպարը, բնութեան հոյակապ արթնացումը, բանաստեղծը արտահայտել է իր հասարակական իդեալը՝ խաղաղութեան, ժողովրդի ապահով կյանքի երազանքը, այն, ինչ չի գտել կյանքում, որի համար շրջադարձ է կատարել դեպի պատմութեան վաղընչական ժամանակները:

...Կրօններեն գեղջկական
Կը բարձրանա ծովսր խունկի տես խաղաղ:
...Ամբարները ողջ խաղաղութեամբ կը լեցվին,
Եվ կարասներ՝ ցնծութեամբ:

Պատմական անցյալի իդեալականացման տենդենցի հիմքը Վարուժանի, Թեքեյանի և Սիամանթոյի ստեղծագործութիւններում անբավականութիւնն է ներկայից: Առողջ կենսասիրութիւնը, ազատասիրութիւնը, բնութեանը հարազատ մնալու ձգտումը, որ խիստ նկատելի է Վարուժանի «հեթանոսական» երգերում, հասարակական բովանդակութիւն ունեն և ուղղված էին բնութեան դեմ, մարդու էութիւնը աղճատող սոցիալական անարդար հարաբերութիւնների դեմ: Վարուժանի մի քանի ստեղծագործութիւններում «հեթանոսական» անցյալի կորուստը համակված է խորունկ թախիժով և ողբերգականութեամբ: Այս առումով բնորոշ են «Մեռած աստվածներուն», «Աստղիկին» քերթվածնե-

րը: Բանաստեղծի քնարական հերոսը խորունկ ցավով սզում է հեթանոս աստվածների մահը, գեղեցիկի անկումը:

Անանց թախիծով է ներծծված Բանաստեղծի «Նշտղիկին» բանաստեղծությունը: Գեղեցկության աստվածուհուց որպես գեղեցիկի հուշ մնացել է լուկկիսանդրին, մարմարյա հպարտ վիղը, լուսավոր ցլուն աչքերը. չկա նրա էությունը՝ աղատության մարմնացում թևերը, այն, ինչ պակասում է մարդկությունը:

Վարուժանի «Հեթանոս երգեր» շարքի մի քանի բանաստեղծություններում («Գեղեցկության արձանին», «Հեթանոսական», «Սաղուռնական» և այլն) որպես վաղնջական ժամանակներին հատուկ կենցաղի բնորոշ գիծ պատկերված է մերկ մարմնի պաշտամունքը: Այստեղ փառաբանվում է Գեղեցիկը, կինը՝ որպես գեղեցկության մարմնացում: Այս ստեղծագործություններից հորդում է սերը գեպի մարդը՝ որպես բնության փառասլսակի, հիացմունքը մարդու կատարելության: Դա մարդուն ազատ տեսնելու ձգտման գեղարվեստական լուրահատուկ արտահայտությունն էր մեր գրականության մեջ: Եվ միանգամայն ճիշտ էր Հ. Սիրունին, երբ ժամանակին գրում էր, թե «բանաստեղծին համար մարդը ամենեն գեղեցիկն է բնության բովանդակ գեղեցկության մեջ, ամենեն շքեղն ու կատարելատիպը»: Սիրունին չի պախարակում մերկության պատկերումը արվեստում, դա համարում է «այն իդեալ կերպարանքը, որով հիները իրենց Աստվածը կներկայացնեին»⁸:

Կանացի մերկության պաշտամունքը Վերածննդի դարաշրջանի և հետագա շրջանի եվրոպական կերպարվեստի սիրված, բարձր արվեստով պատկերված թեման է և արտահայտում էր ֆեոդալական կապանքներից կնոջը ազատագրելու, նրան առավել բարձր տեսնելու, գնահատելու, գեղեցիկը պաշտելու տենդենցները:

1914 թ. շեմին լույս տեսավ Վարուժանի և Սիրունու խմբագրած «Նավասարդ» տարեգիրքը, որտեղ զետեղված չափածո և արձակ նյութերի մեծ մասը «Հեթանոսական» մոտիվներով էր համակված: Գրախոսելով «Նավասարդը», Սուրխաթյանը այն որակեց որպես «աչքի ընկնող գործ», «ուշադրության արժանի» տաբեգիրք, որտեղ հանդիս են եկել «և՛ ումանտիկներ, և՛ ռեալիստներ, և՛ նվուլ մենավորներ, բողոքի ու պայքարի ձայներ հնչեցնողներ»: Նա Վարուժանին անվանում է «հայ հեթանոսների բրմապետ», «արևափառ քուրմ», իսկ Սիւմանթոյին՝ «նորադարձ քուրմ»: Հ. Սիրունին «Գեպի աղբյուր լուսին» հոդվածում Վարուժանի «Հեթանոս երգերը» և Շանթի «Հին աստվածները» նկատի ունենալով, 1913 թ. բնորոշեց որպես «Հեթանոսության տարի»⁹:

Ուշագրավ է, թե ինչպե՞ս է ընկալել և ինչպես է գեղարվեստորեն արտացոլել «Հեթանոսական» թեման Սիւմանթոն: «Նավասարդ»-ի աղոթք առ դիցուհի Անահիտ» ստեղծագործության մեջ բանաստեղծը Անահիտ աստվածուհուն պատկերել է որպես ժողովրդի վրեժի և ցասման խորհրդանիշ, ազատ, ինքնուրույն կյանքի ոգեկոչող հերոսուհի: Գաղափարական այս ելակետով նոր թեման սերտորեն շաղկապվում է բանաստեղծի ազատագրական պայքարի

⁸ «Նավասարդ», Կ. Պոլիս, 1914, էջ 223:

⁹ Նույն տեղում, էջ 220: Հ. Սիրունու սույն հոդվածի ընդհանուր տենդենցը խոցելի է: Այս կապակցությամբ Սուրխաթյանի քննադատությունը տեղին է և ճիշտ: Արժե հիշատակել, որ տարեգրքի «Արվեստ» թարգմանական հոդվածում պաշտպանվում է գրականության և արվեստի հասարակական նշանակությունը:

մոտիվներին և հաստատում «հեթանոսական» հոսանքի սերտ կապը ազատագրական շարժման գաղափարաբանության հետ: Ժողովրդին նոր, անհաղթելի, ահեղ, ազատարար աստված պարզեցրելու համար քնարական հերոսը ջերմեռանդորեն աղոթում է:

Բանաստեղծության մեջ դեղարվեստական հիանալի մարմնավորում է դրել հեղինակի հասարակական իդեալը՝ ազատ, իր բախտի տեր ժողովրդի ցնծությանը լի ապահով կյանքի երազանքը.

Բագրեանդյան րլուրներեն հերանոս կյանքը հոսի,
Արևուրդի գեղահասակ, բեհեզներով պարեզոված,
Աղեղներու, ցիգակներու և նետերու վարժեն
Զոհաբանիդ սեմին վրա՝
Հաղթ ցուրերու պարանոցին իրենց սուրերը քող սեռեն...

Ազատության, բողոքի և պայքարի ձայն են հնչեցնում ոչ միայն ճանաչված դրոշները, այլև նրանց հետևորդները: Այսպես, Ահարոնը «Խատաստան» քերթվածում պայքարի է կոչում արևելքի ճնշված ազգերին.

Ո՛վ սեզ ազգեր, որ կապրիք
Պաղեստինեն մինչև Սուրիս և Լիմեն
Մինչև ավազը Լիբիո
Ոտքի՛ ելեք...

Հ. Տեր-Սահակյանի «Եփրատ» բանաստեղծության մեջ ահեղավաղ եփրատը մարմնավորում է հայրենիքի ուժը, վերածնության հույսերը.

Առաջնորդե, եփրատ Ուժին հայրենի,
Շարժուն երկինք, փառքի նամբան մեզ եղիր:
...Կը քոխ եփրատ, ռազմի աստված մեզ ընկեր:

Տ. Գասպարյանի «Հրավեր» ոտանավորում արտահայտված է քնարական հերոսի նավասարդյան լուսաբացի բուռն տենչանքը, արքայորդու հայտնության իղձը:

«Նավասարդ» տարեգրքում Վարուժանը հանդես է եկել ծրագրային «Նավասարդյան» քերթվածով և «Հացին երգը» բանաստեղծությունների շարքից՝ «Ցան», «Անդապահը» և «Կակաչներ» քնարական հիանալի դորժերով, որտեղ փառաբանվում է բանաստեղծի իդեալը՝ խաղաղ ստեղծագործ աշխատանքը, ինչ երազում և չէր գտնում մեր ժողովուրդը: Զանց առնելով այս ամենը, Սուրխայանը գրում է, որ «Նավասարդին» աշխատակցած «արվեստագետների» բանաստեղծական մոտիվները «տարվանքից», «մերկությունից», «կնոջ մարմնի հրապույրից այն կողմ չեն անցնում»: Այս կերպ քննադատը խաչ է քաշում «Նավասարդին» տված իր իսկ գնահատականի վրա:

«Զարդարյանը, — գրում է Սուրխայանը «Նավասարդին» նվիրած պրախոսականում, — Շանթ-Վարուժան և այլ անհատներից կազմված նորագույն շղթայի օղակներից մեկն է»... Ռ. Զարդարյանի «Բաղինին փառաբանությունը» արձակ դորժը, «Նավասարդում» տպագրված «Ով որ Սուլթան մը ունի իր հողին մեջ» լեզենդը ևս համակված են ժողովրդի ազատագրական սլաքարի գա-

ղափարով: «Բագինին փառաբանությունը» գրվածքի քննարական հերոսը աղատատենչ մարտիկ է: Բռնապետական կարգերի դեմ վրեժով ու ատելությամբ լցված, նա վառում է աղատ, նորոգ կյանքի խորհրդանիշ խարույկը, բոլորի սրտերը հրդեհում պայքարի, ազատության սրբազան կրակով: Զարդարյանի գործը համակված է մարտաշունչ ոգով, ազատադրական կովի պաթոսով:

«Ահա մենք վառեցինք խարույկը, որպեսզի խավար աշխարհի մեջ անուր բոցերը ճարճատելով լույս տան բոլոր անոնց, որ անմխիթար են և մոլորված գերության ճամփաներուն վրա:

Մենք վառեցինք Բագինը, որպեսզի հայրենի գեղերն, քաղաքները անոր նային, որպեսզի տանջվածները իրենց բռնեցքները սեղմելով՝ դեպի հոն բարձրանան: Մենք վառեցինք Բագինը, որպեսզի աղատության ճամփան լուսավորենք: Մենք կղաղման հին հավատին ու կերկրպագենք նորեն հուրին ու իր տաբերալին զոհուրյանը: Թող բորբոքի՝ խարույկը՝ ավելի ուժով, ավելի կատաղորեն»:

Առավել նշանակալից ստեղծագործություն է Զարդարյանի «Ով որ Սուլթան մը ունի իր հոգիին մեջ» լեգենդը: Զարդարյանն այստեղ իրեն հատուկ սեղմ, ջղուտ ոճով պատկերել է այն սանձարձակ բռնապետական կարգերը, որ թագավորում էին Իրանում և որի դեմ ծառանում է հերոսը՝ աղատաշունչ բանաստեղծ Վուլե Սինան: Լեգենդը հագեցված է աղատության, աղատ կյանքի փառաբանմամբ: Արվեստի, արվեստագետի կոչումն է սթափեցնել ժողովրդին, նրա հոգում բորբոքել աղատության, նորոգ կյանքի կրակը:

Երկու հղոր ուժեր են լեգենդում պայքարում՝ Բռնությունն ու Աղատությունը, խուտեղեղ թագավորն ու Վուլե Սինա բանաստեղծը: Բռնության ամբողջները կարելի է խորտակել հղոր անհատների ջանքերով, հրաշագործ արվեստի ուժով. այս է տվյալ լեգենդի խորքը:

Հեթանոսական դարաշրջանի պաշտամունքով է համակված Լեոն Շանթի «Հին աստվածներ» դրաման: Նրա հերոսները ռոմանտիկական բարձր պաթոսով գովերգում են Սևրը, Գեղեցիկը, կյանքն ու իր կոիվը, Ուժի մարմնացում հուրհեբ Վահագնը, Գեղեցկության աստվածուհի Աստղիկը: Ամբողջ դրաման զարգանում է որպես Արևի, Սիրո, Գեղեցիկի, կյանքի ու Կովի փառաբանություն: Այդ գաղափարների գեղարվեստական խոր մարմնավորումներ են Աբեղան, Սեդան, Իշխանը: Ի հակադրություն քրիստոնեական, վանական ասկետիկ կյանքի, դրամայում հեթանոսական դարաշրջանը պատկերված է որպես Ուժի, Գեղեցիկի, ներդաշնակ կյանքի շրջան:

«Հեթանոսական» մոտիվներին արձագանքել է նաև բանաստեղծ Վահան Թեքեյանը՝ 1914 թ. հրատարակած «Հրաշալի հարություն» գրքի «Հայրենի զրույցներու վրա» բանաստեղծությունների շարքով: 1902—1913 թթ. գրած բանաստեղծությունների շարքը արդիական հնչեղություն է ստացել գրքի «Հրաշալի հարություն» խորագրով, մանավանդ «Փառհ, հրաշալի հաբուրյանն» բնաբանով: Այստեղ համախմբված բանաստեղծությունները յուրովի արձագանքում են «Հեթանոսական» հոսանքի հարուցած խնդիրներին, աղատագրական շարժման գաղափարներին, համազգային հայրենասիրական այն տրամադրություններին, որ 1910-ական թթ. հուզում էին արևմտահայությանը: Ի տարբերություն Վարդուհանի և Սիամանթոյի, Թեքեյանի քնարական հերոսները ոչ թե աստվածներ են, այլ պատմական անձնավորություններ (Արշակ Ա, Տրդատ

Ա, Արտավազդ Բ և այլն), որոնք մարտնչել են Հայաստանի ինքնուրույնության, անկախ պետականության ստեղծման ու պահպանման համար:

Հրաշալի հարություն. ահա Թեթեյանի քաղաքական իդեալը, որ Բացորոշ արտահայտվել է «Հայրենի զրույցներու վրա» բանաստեղծությունների շարքում: Բանաստեղծի երազած հրաշալի հարության իդեալը սերում էր այդ տարիներին Արևմտյան Հայաստանում տիրապետող հայրենասիրական, ազատագրական երազներից.

...Ես այդ Վաղվա՛ն լույսին, հովին, անձրևին
 Եվ անո՛նց մեջ Բացվելի՛ք ճուր վարդերուն
 ‘Ինձ կերակրեմ և կցանկամ հողերին՝
 Ու ազգերու մեջ ո՛վ իմ Ազգս, ապրիս դուն...
 Ի՛նչ փաղցրություն, երջանկություն վերջապես.
 Երբ վաղն սուտու երկինք լուսնա մեր վրա,
 Եվ օ՛հ, արդեն մինչ խավաբին կերգեմ ես,
 Քնարիս վրա տեսե՛ք ճանաչը կիյնա...

Վահան Թեթեյանի «Հրաշալի հարություն» գրքի ընդհանուր ոգու, բանաստեղծի հասարակական իդեալի ուժանտիկ բնույթի բացահայտման համար շատ կարևոր է գրքի խորագրի հեղինակային մեկնարանությունը: «Դրքի վերնադիրը,— գրում է Թեթեյանը,— գրեթե կրոնական իմաստով մեր առած է: Հրաշալին անշուշտ «հրաշքով» կենդանակե և այն Հարությունը հարությունն է անցյալին ամբողջ, հողի մեր անցյալին և բանաստեղծությունն է, որ այս հրաշքը կարելի կընե»¹⁰:

«Հեթանոսական» հոսանքին հարած մեծ բանաստեղծների՝ Վարուժանի, Սիամանթոյի երգերին հասուկ ըմբոստության կոչերը, պայքարի մոտիվները խորթ չեն նաև Վահան Թեթեյանին: Բանաստեղծի խորին համոզմամբ ժողովրդի կյանքի պայծառ զալիքը՝ «հրաշալի հարությունը», կարելի է նվաճել միայն համաժողովրդական ազատագրական կռիվով: «Լի եմ փանդումի մերկովն անբավ»,— ազդակում է «նավասարդում» տպագրված «Վրեժի զինին» բանաստեղծության քնարական հերոսը:

«Հեթանոսական» հոսանքի հետապնդած քաղաքական նպատակադրումը՝ նոր Արշալույսի նվաճումը, Թեթեյանն արտահայտել է «Զոն», «Արտավազդ Բ» բանաստեղծություններում: Տարբեր տարիներին գրած «Հայրենի զրույցներու վրա» բանաստեղծությունների շարքը իրար հետ կապված են նշված գաղափարական ընդհանուր շաղախով: Այստեղ ևս մերթ քնույլ ու քնարական, մերթ՝ սիրադեղ ու խախժածուր և մերթ էլ ցասկոտ ու դայրազին հնչում են Թեթեյանի քնարի լարերը:

Հաստատապես կարելի է ասել, որ «Հեթանոսական» հոսանքն իր ավարտումը գտավ «նավասարդ» տարեգրքում: Չի կարելի հավասարության նշան դնել «նավասարդի» և «Մեհենի» միջև. բոլոր էության տարբեր է նրանց ուղղությունը:

«Հեթանոսական» հոսանքի արժարժած տարբեր մոտիվների արձագանք պետք է համարել այսպես կոչված հետեորդների՝ Հ. Սիրունու, Գեղամի տաճարն

10 Վ. Թեթեյան, Հրաշալի հարություն, Պոլիս, 1914, էջ 194:

հրաշքի», Ահարոնի ռեպրիզենտացիան կրակին դեմ գրքույնները, Լ. Էսաճանյանի «Յեղիմ հուռութիւնը», «Արքայական սիրերգություն», «Արևելքը իմ հողիս է» բանաստեղծությունները:

1914 թ. հրատարակված Սիրունու «Դեպի տաճարն հրաշքի» բանաստեղծությունների գրքույկի հիմնական մոտիվը «հեթանոսական» սերն է՝ «Գեղեցկություն», «Կնոջ», «Ուժին», «Կիրքին», «Իղևալին» փառաբանությունը: Ահարոնի «Բազիններու կրակին դեմ» (1910—1914 թթ.) անտիպ բանաստեղծությունների ժողովածուում իշխողը հեթանոսական հերոսական մոտիվներն են («Վահագնին», «Անահիտ», «Հաղթանակ», «Շամիրամ», «Արամազդ» և այլն): Արձագանքելով հեթանոսական պոեզիայի մեջ ծանոթ մոտիվներին, Սիրունու, Ահարոնի, Էսաճանյանի բանաստեղծությունները տառապում են գեղարվեստական լուրջ թերություններով, չոր են, անհույս ու անկիրք, Վարուժանի այս կամ այն մոտիվի անհաջող կրկնությունը:

Հարկ է նշել, որ Վարուժանի, Սիամանթոյի, Թերեյանի, Շանթի, Զարդարյանի և մյուսների «հեթանոսական» երկերում Ուժի, Գեղեցիկի, Ըմբոստացման գաղափարները մարմնավորող հեթանոս աստվածների և պատմական հերոսական անձնավորությունների պաշտամունքը արտահայտում է ոչ միայն ազատագրական կռիվ պայքար, այլև թուլությունը, այն իրոք անհաղթահարելի խոչընդոտները, որ ընկած էին արևմտահայության ազատագրության ղեկավարին ճանապարհին: Երա համար էին նրանք ապավինում և փառաբանում հեթանոսական հզոր աստվածներին, այն պատմական անձնավորություններին, որոնք գլխավորել են ժողովրդի հերոսական կռիվները օտարերկրյա զավթիչների դեմ:

«Հեթանոսական» հոսանքին հարած հեղինակների երկերը զերծ չեն և չէին էլ կարող զերծ լինել գաղափարական-գեղարվեստական թուլություններից ու թերություններից (հեթանոսական անցյալի չափից ավելի իդեալականացման տենդենցներ, նատուրալիստական բաց նկարագրություններ): Անկասկած, այստեղ նկատելի է նաև եվրոպական մոդեռն գրական հովերի ազդեցությունը, որ արտակարգ չափազանցված ներկայացվեց արևելահայ քննադատության կողմից:

Իդեալի և իրականության հակասությունը, իդեալի իրականացման անհաղթահարելի ղեկավարությունները «հեթանոսական» հոսանքին հարած հեղինակներին հարկադրել են շրջադարձ կատարել դեպի պատմության հեռավոր ժամանակները, նրանց երկերը համակելով լուսավոր ոռոմանտիզմով: Ինքնին հասկանալի է, որ 1910-ական թթ. այդ ոռոմանտիզմը չէր կարող հանդես գալ անխառն կերպով, այլ գրական նոր հոսանքների ավելի կամ պակաս ներթափանցմամբ միայն:

Ընդհանուր գծերով այս է «հեթանոսական» հոսանքի պատկերը¹¹:

¹¹ Այս մասին տե՛ս Վ. Տերյան, Իրկերի ժողովածու, հատ. 2, 1961, էջ 293—294. Վ. Պարտիզոնի, Գրականության ուժն ու հմայքը, 1963, էջ 252—267: Նույնի՝ Վահան Տերյան, 1968, էջ 382—409: Է. Զրարյան, Թումանյանի պոեմները, 1963, էջ 491—497: Հ. Թամրազյան, Միտմանք, 1964, էջ 205—206: Ա. Ինճիկյան, Մտերմներ և մտորումներ, 1967, էջ 311:

**«ЯЗЫЧЕСКОЕ» ЛИТЕРАТУРНОЕ ТЕЧЕНИЕ В ЗАПАДНОАРМЯНСКОЙ
ЛИТЕРАТУРЕ**

Доктор филол. наук Е. М. ПЕТРОСЯН

(Р е з ю м е)

Художественное отражение языческих времен является одной из важных тем западноармянской литературы 10-х годов текущего столетия. Рассматривая «языческие» произведения известных западноармянских поэтов и писателей (Д. Варужана, В. Текеяна, Снаманто, Л. Шанта, Р. Зардаряна и других), автор статьи считает «языческое» течение в целом плодом западноармянской действительности, своеобразным художественным отражением освободительных и патриотических идей. Показывается, что «языческое» течение было проникнуто острой критикой буржуазной действительности. Восхваление языческих богов и деятелей того времени, культа Силы и Красоты отражает не только пафос освободительной борьбы, но и ее слабость, обусловленную теми непреодолимыми трудностями, которые стояли на ее пути. Отсюда и характерный для «языческой» поэзии романтизм.